

## **Gunoon al'ektarahu (Bill) - le manna amolu hajat al'gi gaeru aw asoru genis ta zol tehet - tahwil- (conversion)**

Wanusa al'amolu bi sabab ta manna hajat al'gi amolu ashan bi gaeru aw asoru genis ta zol tehet (*suppression*) al'kaman gi nadi tahwil

## **Hajat/kalamat al'dakalu jadiid (Update)**

Fi yom arba fi shahar itnein santo 2021 barlamana ta welaya ta Victoria rudu (*passed*) Gunoon al'ektarahu fi santo 2020 al'gi manna hajat al'gi amolu le gaeru aw asoru genis ta zol tehet (*tahwil*).

Gawaniin del kutu ashan bi daafi nas ta welaya ta Victoria min, wa kaman bi rudu-wara le hajat al'hasil batal ashan kalam ta hajat al'amolu le gaeru wa asoru genis ta zol tehet (*hawilu nefsa*).

Sabab al'sibu gunoon de biga Gunoon ashan nas ta welaya ta Victoria gi wori-wori gisat wa fekerat fi barnamij ta kede shariku Victoria (*Engage Victoria*) kalam ta hajat al'hasil le nas al naja min hajat de (*survivors*), wa Kaman kefi bi agider ligo sikat al'tamam ashan bi sibu ganon ta abosu de (*ban*) bi kutu fi shokol.

Afkar takum saidu ashan gunoon de bi tala bi shekel de wa a'nina wade sukuran le intakum.

Gunoon al'aktarahu (Bill) de bikon biga gunoon baad itnashar shahar min yom ta rudu ta muwafaga al'mulukia (*Royal Assent*), aw kaman momkin gubal yom de kan alinu.

## **Ektisar (overview)**

Hakuma deru abosu (Ban) hajat al'gi amolu wa gi sibu zol gaeru nefsa le genis tani (gender), gunoon al'gi manna hajat al'gi amolu ta gaeru aw asoru genis ta

zol tehet de amolu deed nas del al'gi gaeru wa asoru genis ta zol (*gender*)aw al'kaman gi nade (mumarasat ta hawilu), wa aye hajat al'gi amolu fi gisim ta zol ashan gaeru aw asoru genis tehet (*suppression*).

hajat al'gi amolu del zatu ma indu aye isbat fi tieb (*Medicine*), wa zatu mafi aye haja al'gi wori gali zol be ageder hawil min genis le genis tani. Ma bes hajat al'gi amolu de ma kwes lakin kaman netija ta tuo batal shediid, baad marat be sibu zol be katolu nefsa (Zol be inteher).

Gunoon al'ektarahu (*Bill*)ta manna hajat al'gi amolu le gaeru aw asoru genis tehet ta sena 2020

Gunoon al'ektarahu ta (*Bill*) manna amolu hajat al'gi sibu gaeru aw asoru genis ta zol tehet de gi balasu ta kulu-kulu hajat al'gi amolu le gaeru wa asoru genis tehet (*sibu zol hawil nefsa*). Gunoon de gi kelim gali hajat del kulu kideb (deceptive) wa gi douru zol (netija tuo batal), gunoon al'jadiid de sabab tuo ashan be hafizo nuswan/banat al'lesbian, nas al'gay (*LGBT*) ta Victoria min hajat al'batal al'gi douru humon.

Gunoon al'ektarahu de (*Bill*) be wori gali hajat al'gi amolu ta gaeru wa asoru genis ta zol tehet de ma gi sejau ma nas ta welaya ta Victoria. Sabab ta Gunoon de ashan be sibu nas ta Victoria be ageder esh haya tumon ze ma humon wa ras ta tumon fok. Ashan inta be ayinu nefsa ta taki genis al'baru de ma gali fi haja al'kasuru fi gisim ta taki yala deru salau.

Gawaniin del gi limu kulu fi barnamij ta wanusa wa kalamat al'muwatinein gi rudu-wara al'gi nade (*civil response scheme*) al'asesu ma Maktab ta hogoog insan wa wade fursa sawa fi welaya ta Victoria (*Victoria Equal Opportunity and Human Rights Commission*) ashan be saidu nas al'naja min hajat de (*survivors*) wa be ayinu fi muskela al'humon waga fogo de.

Gawaniin del gi wodi guwa le Maktab ta wade fursa sawa wa hogoog insan ta Victoria (*Victoria Equal Opportunity & Human Right Commission*) Ashan bi ayinu fi shakwat ta gaeru nas wa asoru genis tehet (suppression), yala humon kaman indu guwa ashan bi hagigu kasatan kan kalam de nesia wa gi hasel-hasel tawali.

Nas al'naja min hajat de (*survivors*) humon yau bi kun wa be ayinu le kabarat (*reports*) wa humon bi kutu bala (*focus*) fi deresu (Education) wa bi sahilu sikat kulu. Wa kida de bi kutu nas al hajat de hasel le humon del (*survivors*) bi ligo hajat al humon deru bi triga al kwes wa sahil.

Gunoon al ektarahu de kaman (*Bill*) indu jiza jadiid, nas al gi asoru zol be guwa ashan geru wa biga ja awogu nefsa jiza tuo be wasulu lahadi ashara sena segin wa kaman zeida le de, zol al bi seilu zol aw bi katitu ashan tala zol min welaya ta Victoria ashan bi geru nefsa yala humon awogu fogo de segin ta tuo bi kun le fetera ta itnein sena segin.

Ayi zol al gi waza-waza le nas ashan kede gaeru wele hawil nefsa garama ta tuo bi wosolu le ashara alf dollar (10,000 dollars).

Gunoon de gi adelu juzu nemra arba min Gunoon ta wode fursa sawa-sawa ta sena alfein wa ashara (*Equal Opportunity Act 2010*). Gunoon de be gaeru wa adelu teriga al gedim al kan gi wori genis (*gender*) ta insan, biga bikon fi teriga al jadiid wa waseyia be limu genis kulu wa ma bi sibu bikon fi tefrega le nas ta Victoria al genis tumon ma bes mara wele rajil (*intersex*).

Gunoon al ektarahu de (*Bill*) amulu ashan kalamat al nas ta welaya ta Victoria wonusu, munazamat al gi saidu nas al naja min hajat de (*survivors*) nas al'gay wa nuswan al'lesbian wa nas tannin al'kaman genis ta tumon barau-barau (*LGBTIQ+*), munazamat al gi wogif ma nas (*Advocacy organisations*) wa kaman munazamat ta Dein (*religion*).

## **Wonusa ta'nina: Kalamat al intakum wori le'nina**

Fi shahar ashara wa fi shahar hedashar santo 2019, a'nina asalu nas ta welaya ta Victoria kalam ta gunoon al jadiid de wa Netija tuo ja tala kida:

603 adad ta nas fekerat wa raya tumon gi sheja kalam ta suwalat al'asadu (*survey*) nas ta Victoria fi barnamij al gi nadi engage Victoria  
82 adad ta nas wodi raya wa fakerat al barau-barau.  
21 adad ta nas all rudu ashan limu wa wonosu ma munazamat ta nas al naja min hajat de (*survivors*) nuswan/banat al'lesbian, nas al'gay wa nas al genis tumon kaman barau (*LGBTIQ+*), munazamat al gi saidu wa wogif ma nas (*advocacy organisations*), wa munazamat ta dein.

Nas kutar min intakum rudu kede balasu kalam ta gaeru aw asoru genis ta zol de wa anina asuma kaman ashan kede kutu tarif al wasiya al'bi kati kulu hajat al'batal al gi amolu le asoru aw gaeru ta genis ta zol wa kaman le delin al'gi hasil bara min mahalat ta wode wasiyat (*counselling*) wa kidimat ta saha (*health services*)

Afkar takum fi kalam ta gunoon ta balasu de kulu barau-barau wa lakin dakaalu humon fi amolu ta ganon al'ektarahu de (*Bill*).

Netija ta wonusa (mushawarat) al amulu ma nas ta Victoria de katibu bi teriga al besit wa bi kutu bara ashan nas kulu bi agara. Ayan ta corona virus (*COVID-19*) yau akeir kutu ashan kede ma talaau bara.

A'nina moksutin ashan sobur takum wa itakum fahim zuruf de.